

A Tarxeta Xente Nova

As vantaxes da tarifa Xente nova aplicanse ás viaxes interurbanas dos menores de 21 anos EN TODA GALICIA.

Así, os menores de 21 anos poden **viaxar gratis** no transporte público interurbano que depende da Xunta de Galicia, calquera que sexa a súa orixe e destino.

[Aquí](#) pódese solicitar cita previa para a obtención dunha Tarxeta Xente Nova.

Que é?

A Tarxeta Xente Nova é a tarxeta de transporte de Galicia que permite realizar cada mes **ata 60 viaxes interurbanas gratuítas**.

Quen a pode utilizar?

Mozos e mozas de entre 4 e 20 anos, porque os menores de 4 anos xa viaxan gratis no transporte interurbano. Cando cumpras 21 anos poderás seguir usando a tarxeta ata que se esgote o saldo.

Que viaxes se poden realizar con ela?

Coa Tarxeta Xente Nova saen gratis as viaxes interurbanas no transporte público da Comunidade Autónoma de Galicia, calquera que sexa a súa orixe e destino. Ademais, tamén poderás viaxar gratuitamente nos barcos dos servizos Cangas – Vigo e Moaña – Vigo, así como no tren metropolitano en Ferrol.

En [bus.gal](https://www.bus.gal) pódense consultar os horarios dos servizos de transporte autorizados en cada momento.

Como conseguila?

1. A Tarxeta Xente Nova é expedida por Abanca nunha serie de oficinas espalladas ao longo do territorio. Marcando enriba dos seguintes nomes de provincia, podes consultar o listado de oficinas subministradoras: [A Coruña](#), [Lugo](#), [Ourense](#) e [Pontevedra](#). Nesta páxina tamén poderás descargar un listado completo en formato editable.
2. Para non perder tempo e facilitar que todos os usuarios obteñan a súa tarxeta o máis axiña posible, deberás solicitar cita nesta [páxina](#). *Para acceder á web é preciso dispor dun navegador Internet Explorer 9 ou superior, Firefox, Chrome, Opera, Safari ou Edge.*
3. Ao facilitar os datos que se solicitan xerárase unha cita na oficina Abanca seleccionada. Non é necesario dispoñer dunha conta asociada.
4. Á oficina de ABANCA seleccionada só deberás levar o teu DNI. Lembra que, se aínda non cumpriches os 18 anos, deberá solicitala o teu representante legal, que, xunto co teu DNI, terá que levar o seu DNI e o libro de familia ou documentos equivalentes. A tarxeta é gratuíta.
5. Acórdade de cargar a túa tarxeta antes de viaxar con ela.

Como recargala?

- Para viaxar coa Tarxeta Xente Nova cómpre ter saldo abondo, polo que inicialmente deberás cargar o saldo das viaxes que vaias realizar. O que gastes nas túas viaxes serache devolto tal e como indicamos máis adiante.
- Recargar a tarxeta é moi doado. Pode facerse nos **caixeiros de Abanca ou nas oficinas habilitadas para expedila**.
 - A recarga pódese facer tanto con efectivo como cunha tarxeta de débito. Con tarxetas de crédito, ou doutras entidades, poden existir comisións bancarias.

Ademais, tamén pode ser recargada co móbil ou cun ordenador na **Banca Móbil** e/ou **Banca Electrónica de Abanca**. Despois bastará con introducila en calquera caixeiro Abanca para que a carga se faga efectiva.

Estamos traballando para que tamén poidas levar a Tarxeta Xente Nova directamente no móbil, e facer as recargas sen necesidade de ir a un caixeiro. Informarémovos de cando este novo sistema estea dispoñible.

Se tes calquera incidencia técnica coa tarxeta, ponte en contacto directamente con Abanca na oficina expendedoradora máis próxima ou polas demais vías de contacto facilitadas por esta entidade.

MÁIS INFORMACIÓN: <https://www.bus.gal/gl/xente-nova>